


曇花記

利

内閣文庫		
番號	漢	17901
冊數	4 (3)	
函號	4	18



曇花記卷之三

此前有思
親折今刪

奈親恩罔
極君恩難
報句佳

第十五折

公子受封

甬東屠長卿 誤

吳興臧晉叔批評

粉蝶兒小生上奕葉蟬貂報國方當年少看家傳

豹略龍韜錄忠勳褒隱逸聞道璽書將到奈親恩

罔極君恩難報

老臣已逐魚樵去聖主難忘麟閣功延賞又沾
門廕貴勅書新下未央宮小生木龍駒是也聞

得汾陽王郭公將我父親棄家學道事情具本
申奏聖上聖上不忘靖亂之功深惜老臣之去
將以廕叙錄用小生今日早間汾陽家着人來
報云詔書將到只得設案焚香在此祗候左右
上報介朝廷遣汾陽王郭老爺賚詔勅到門小
生迎接介外汾陽末扮官捧勅上奉天承運皇
帝詔曰據中書令汾陽王郭子儀奏稱定興王
木清泰當安史之逆節丁王室之流離力剪元
凶蕩平大難功莫茂焉爵頒茅土盟指山河綿

祚永福朕方當與卿共之爾乃引分知幾辭榮
入道遠追子房之迹近紹鄴侯之風世所罕聞
良足嘉尚可賜號圓照大師其子龍駒才兼文
武授驃騎將軍襲封定興侯嗚呼輕絰組而踐
大道臣子之高標獎隱逸而錄忠勛朝廷之盛
典爾其不忘猷告益務操修欽哉無斁謝恩小
生萬歲萬歲萬萬歲小生伯父請上容小姪拜
謝外賢姪免禮小生拜外答拜介小生老父黑
頭遠引聊以全生小姪黃口無知謬膺簡命雖

蒙朝廷作養之賜全荷伯父推薦之恩小姪何
勝感激但有苦情相告老父訪道未回爲人子
者受爵何安還要面聖辭官望乞伯父張主外
尊公既已辭爵賢姪禮合受封這也不消辭便
是聖上一定也不准中書府中有事老夫就此
告別鳳穴雛真美龍門客又新下小生這事怎
好不免喚出妻子同到蓮花庵中見母親去左
右請夫人出來

西地錦旦上紫禁新來天詔青閨乍整雲翹封侯

夫婿年猶少早看玉帶橫腰

相公新拜小侯龍章承寵賤妾亦因夫貴鸞誥
分榮恭喜恭喜小生下官承親寵命當圖捧日
之忠爭柰老父久賦仙遊轉切望雲之想我且
和你同到蓮花庵中拜謝母親則個旦正該如
此同行科

前腔老旦上日氣全澄蓮沼香煙初散松寮貼小
旦上方諸品圓明照花陰曉日團瓢

小生旦入拜介孩兒新承詔勅襲封定興侯爵

容孩兒拜見。老旦孩兒你封侯甚喜，只是你父親雲水無踪，使為娘的終日掛念。小生稟告母親，爹爹人中豪傑，又遇方外異人，料得大道可成。仙遊無恙，况這曇花無根茂盛，料必不是偶然。適纔朝廷詔勅，旌獎父親清高，恬退賜號圓照大師。老旦聖主知重道，號顯加這也不負你父親清修苦行了。

四曲畧攬
四字以其
不叶調故
也

降黃龍雲外逍遙地，北天南遊蹤皆到門庭。冰冷幸吾兒新拜五侯，綸詔明朝謝恩闕下，儘今生願

四結句皆
佳

塗肝腦。貼小旦合誓不忝榮親報主，兩全忠孝。

二字一韻
曲之起句
押處極難
此得之

前腔小生劬勞屢葉金貂，黃石遺編赤松無耗。承家開國念親恩，主德總來難報，須教枕戈汗馬，拚努力塞雲邊草。老旦合幾時得功成身退，鶴歸華

表。

前腔旦岌嶷日麗丹霄，夫婿朝回御爐香遶東方。千騎看兼鬚白，哲人都道好還教秉忠竭節，休辜負金裝裘帽。小生合好追踪辟疆傳祚，畱侯不老。前腔貼小旦蕭條戶網蠨蛸，看鳳雛龍種郎君清

妙恩波優渥拜何家驃騎門閭重耀靈苗曇花正
盛相映處堦庭芝草旦合願函關真人紫氣歸來
須早

橐音高

黃龍滾老旦瑠弓犀革弢寶劍龍紋鞘小生舊日

橐鞬部曲還來到衆合紅雲天表朱旗日照榮簪

笏寵林壑加封號

前腔旦麒麟通袖袍鸞鳳泥金誥貼小旦羅雀門

前朱履今重到合前

尾聲仙郎結束登廊廟轉念慈親修道依舊蓮花

伴寂寥

小生母親爹爹雲遊定有還家之日孩兒如何
受爵襲封顯是忘親慕祿了稟過母親明日就
要上表為爹爹謝恩併辭封爵老旦孩兒你這
所見極是

老旦年少郎君初拜侯小生思親不見轉添愁

旦小明朝具疏陳情去貼旦小為道新恩未易酬

第十六折 上遊天界

小生扮香案吏上晃晃彌羅宮巍巍鬱蕭殿始

原本為四
十二折今
改於此

此白頰覺
厭人然又
不能盡刪
所謂聊復
尔

劫斡延康大道超龍漢玉榜青霞標金闕紅雲
爛上主忉利中下轄須彌半無私宰羣方玄機
妙吹萬握鏡象昭回平衡化敷旦秘檢弢金箱
霧文一何燦迹隱蚪蚪書理顯龍鳳篆幸哉列
清班詞曹領香案下官玉皇掌書香案吏是也
舊隸下方之仕籍今叨上界之仙官只爲世人
不知天都景象因此畧道數語流傳人間須識
上帝高居不比人皇宮殿玉階金埒非玉非金
乃元氣淋漓而結就龍車鳳輦真龍真鳳亦陰

藹灰上聲
藹音藹

陽苞絡而化成桂樹扶疎夾道桃花藹藹當門
靈官佩印青絢之履飛雲綵女搗笙碧玉之冠
偃月太乙領翠娥而來朝金闕盡擁五丁之火
輪天尊偕雷師而講道玉虛齊起九天之電鑰
仙伯簡清微之籙玄都開大洞之章千官萬靈
各有司存九晨七御遞相統轄常僑持鬘大赤
禹餘分玉清列太霄名號種種不同同隸于上
帝清景索真明晨侍書掌瓊笈檢瑤編職掌紛
紛不一一屬于天曹真個大道廓而無央神工

僑音僑

運而不宰、玄機莫測、妙用難窺、但見得道者鞭
霆駕霓、坐麟、踏鳳、逍遙于碧落霞宮、失道者屑
雲、瑯雪、檄龍、命鴉、勞苦于紫虛雷部、體無色象
玄黃、出思議、見聞之表、修有等倫、階級總虛無
寂嘿爲宗、適九關、使者報道、西天祖師、賓頭盧
來遊天界、佛理難聞、聖僧難遇、下官恐上帝欲
請見、只得在此伺候、遠遠望見聖僧飛錫來也

外生同上外玉府瓊宮帝闕高、青書琳札列諸

曹生真人幸假雲霄翼、耳畔天風泛海濤**外**貧

僧與西來上遊天界萬靈咸仰、九闕不同、且喜

已到帝居了、**生**做看介真個好清虛境界也**小**

生相見介西方祖師弟子掌書香案吏稽首**外**

仙子少禮**生**下界木清泰參拜**小生**奉道高人

不勞行禮天界清虛罕聞西教願祖師錫杖暫

留天庭大轉法輪而去**外**貧僧志願弘慈道慚

無上未窺一乘之極則敢忝三界之師模新度

弟子久溷塵勞恐迷宿本善心雖發道念難堅

先引入酆都歷觀苦趣再挈升天界參究樂因

用以鞭策凡流成就新學此來未奉如來法旨
不敢輕會帝君小生祖師到此上帝自當請見
外常見天主冲挹太盛執禮過恭以此不便參
承但與新度弟子潛觀天界景象去也小生佛
法難聞聖僧難遇祖師此來不會我上帝恐上
帝罪及下臣柰何

此曲增入
無此則太
冷淡矣

玉芙蓉聖僧不易邀佛教元難討咱須是殿前香
案清曹豈可任吾師飛錫空虛表不使我上帝親
迎絳節朝何不報領高談法寶那其間倘將臣罪

及怎生逃

外貧僧偶爾微行至此若會帝主事體重大非
奉佛旨不宜輕舉帝心必亮爾亦何辜請別了
小生如此弟子亦不敢私請佛法恐重得罪外
佛無多法只修一心若要修心無過寂照小生
多謝祖師教誨相別介下生蒙師父相携先遊
地府後到天宫但弟子愚昧未知天堂地獄何
以苦樂懸殊善惡姻緣路徑從何分別望師父
一一指教外苦樂之途分于善惡善惡之介起

自一心純善無惡是爲天堂純惡無善是爲地
獄善惡均等是爲人道五戒十善則生天堂五
常五戒則生人中盡破五戒廣行十惡則入地
獄天人路徑大要以五戒爲本五戒不持人天
路絕至于一心既了萬行俱純由修行而得戒
由解法而悟道頓悟至理漸滿萬行空有兩妙
善惡雙忘則爲無上菩提貧僧亦稍稍識路窺
門愧未能登峰造極也生稽首科多謝師父指
教

二曲平
不欲多改
之恐長卿
謂我攻人
之短而獻
其長也

前腔外罡風兩鬢颺灑烝雙臚耀耳氤氳忽吹一
派笙簫杳恩玉宇瓊香罩羣羃金床寶扇高塵不
到信清虛穹昊咫尺間看羣霧來往擁雲璈

前腔生丹幢姝女飄羽蓋芝童導恍疑是乘風直
上瓊霄只見琅函寶字祥光遶玉板幪緗秘檢發
誰能道信清都玄奧天榜中問班行何處列吾曹

外西來你曉得蓬萊山麼生弟子曾見鄴侯李
長源說來道蓬萊有三座山是神仙洞府在東
海之外若要到那山去非舟船不可往往將到

仙都之遊
于此運出
是串挿法
長卿所不
知也

原本在受
封折後今
移于此不
惟節小生

之力亦做
法應尔
黃門官白
增入不然
問答者誰
耶

山邊輒被罡風把船引去。因此甚是難到長源。又言漢武帝時也有人到山邊看見海水倒在高處蓬萊三山反在海水之下。世人所望見者謂之倒景。自非神仙中人休想到此。**外笑介**這也未必然。

外剛從帝所一神遊

又御輕風到十洲

生神仙本是凡夫做

爭奈凡夫不肯修

第十七折

面聖辭官

末扮黃門上君起早臣起早來到朝門天未曉

長安多少富豪家不識明星直到老下官乃唐朝一個小黃門是也領百官之奏章傳九重之命令如今晨光漸散夜色全開正是早朝時分怕官裏升殿有奏事官員來到不免在此朝門伺候呀言之未已奏事官早上

唐多令小生上新命下丹霄封章謝聖朝親闡何

處路迢迢多少煙波雲嶠辭印綬訪漁樵

拜爵王朝寵渥優况兼道號賁林丘白雲望斷千山遠紫綬何心萬戶侯木龍駒幼蒙聖恩拜

定興小侯又以圓照大號褒寵老父皇朝恩數
無復加矣但老父暫行訪道必返家園爲子者
輒受封爵置老父于何地夜來修下一封奏疏
伏闕面君一則爲老父拜謝異恩二則爲下官
固辭新命來到此處已是朝門呀朝鐘已動文
武班齊不免朝見則個萬歲萬歲萬歲萬歲黃門
大小官員有事奏事無事退班小生臣有短疏
冒奏天顏黃門既有表章替你轉奏

步步嬌小生臣父當年辭榮早遠去因求道寬容

荷聖朝不罪逋逃更加封號勅命寵林皋君恩如
海真難報

黃門聖旨到來問卿父清泰壯年慕道黑髮辭
榮朕旣欽仰高風又惜老臣去國不審雲遊可
有信息否小生悲介

沉醉東風感吾皇尚思遺老使微臣不勝悲悼自
那日遠遊遨自那日遠遊遨似冥鴻去杳從此後
久無消耗臣也曾西尋華嶽臣也曾東尋海島柰
咫尺雲林路遙

一曲改處
賞勝

忒忒令遇樵夫有音書寄稍問行蹤又道是東西
難料因此上把黃泉碧落都遊到痛微臣兩虧忠
孝只落得瞻帝闕望親舍時時暗地裏淚拋

黃門聖旨到來卿父遠遊既有報書足知山中
無恙徐訪仙縱何須痛哭小生臣還有下情奏

上

好姐姐天朝侯封寵褒錫微臣一行丹詔臣父雲
遊定返臣官何太早寧叨冒金章紫綬雖榮耀慕
祿忘親罪怎逃

此後四曲
俱叶調

黃門聖旨到來卿父雲遊雖有還期但既已辭
榮豈肯再受勲臣封爵不可久虛卿青年異才
允宜擢用已有成命不准固辭

嘉慶子小生念臣親山林養高捨一官棲遲欲老
甘着那澹薄修道臣未得晨昏問寂寥

雙蝴蝶臣父呵穿着百衲的藍布袍繫着一條的
黃束縵喫苦菜與藜蒿隨苦行水雲僧道晚來隨
處宿殘菴古廟曉來又待托鉢走荒郊

園林好臣怎忍垂纓珥貂臣怎忍持圭擁旄臣怎

忍。一身榮耀。食美食。進香醪。因此上訴皇朝。

黃門聖旨到來。卿父全身入道。卿能盡忠報國。

豈不兩全。

川撥棹小生恩非小。豈不願竭忠報效。倘忘親自

立功勞。倘忘親自立功勞。那些個求忠於孝。願辭

官守草茅。願尋親去採樵。

錦衣香若論臣才。呵。文不能傾廊廟。武不能先征

討。何由上補龍光。只落得下慙烏鳥。哀鳴君父。訴

心苗。望鑒臣微悃。免賜官寮。便芒鞋苧襖。敢辭那

何由上補龍光二句佳

水曲山椒。誓把天涯遶。遠窮蓬閩。重尋泰岱。再抵河洮。

漿水令臣稽首謝恩。丹徼臣稽首拜還。紫誥天恩

定擬捐軀報。也有時朝端環珮。塞上弓刀。年猶少

氣未消。他年七尺。輕於草。又何辭。又何辭。碎塗肝

腦。千萬歲。千萬歲。頌德唐堯。

黃門聖旨到來。據木龍駒所奏情詞。良可矜憫。

但朝廷既重酬勲。臣子分當許國。已封官爵。不

准辭。即當安心供職。謝恩。小生謝介。

此曲不可少。不然則龍駒以不事浪辭矣。

尾聲辭官不允重頒詔從此衣冠候早朝叢桂何緣得見招

生小一心只要訪遊蹤 爭奈辭官上不從

門黃自是朝靴換芒履 宵衣初聽未央鐘

第十八折 郊遊卜佛

梁州令老旦上春光不改舊門牆爲何事淒涼貼

小旦上遊仙人去冷華堂塵掩鏡粧褪粉被銷香

老旦一從遊子去天涯何處蓬萊是爾家白日

有人乘野鶴青天無路入桃花二姬自從老爺

塵掩鏡三句似詞中語

辭音吸

去後音信杳然又不知他尋仙訪道東泛蓬萊
又不知他禮佛參禪西遊天竺你我久住菴中
好生放心不下聞得都城宜春門外大悲禪寺
觀音菩薩屢著肝蠻籤詩極靈我和你三人往
彼隨喜問一靈籤求個消息想老爺至心訪道
當爲大士悲憐必有感應你傳令去叫院公整
備綠輿帶幾個家僮隨從一行你二人意下如
何貼小旦太夫人此行一則頂禮大士一則叩
問老爺音信有何不可二妾願從做喚未從人

原本四首
今存其二

上貼小旦院公太夫人要到宜春門外大悲寺
求靈籤問老爺消息去衆應介老旦貼小旦升
車行介

黃鶯兒老旦士女競尋芳却教人魂暗傷笙歌猶
記前春賞貼小旦衣飄繡襠騶垂紫韁如今轉眼
成惆悵合別檀郎名花無主寂寞度年光

末稟太夫人此處已是大悲寺前了請進拈香
搽旦扮尼僧出迎科大悲寺尼僧迎接太夫人
尼引老旦入拈香拜介

三人合唱
一曲此做
法也

前腔夫婿定興王立功勞在戰場丹青圖畫麒麟
像貼小旦拜介風波飽嘗煙霞興長一朝道服飄
然往合去何鄉願求寶炬好爲照迷方

老旦求籤介詩云從來仙佛是天生有志須教
事竟成莫道優曇難得見學人功到自圓明做
看介原來得此籤號爲上上尼姑你曉得優曇
是何物尼稟太夫人優曇花產西方佛國佛經
上說道優曇花難見面老旦奇哉奇哉原來優
曇就是曇花二姬分明大士說出我家事情此

山坡羊二
曲文而不
迂亦一作
家也

籤果靈老爺求道可望矣。我和你不免謝了神
靈同回去罷。同拜謝科。尼下。老旦。二姬。今日春
色甚好。我和你且不要升輿。散行幾步。貼小旦
如此卻好。步行介。

山坡羊。老旦。煖醺醺。春光如釀。碧溶溶。波紋微漾。
蘸裙邊。鋪裊草纖。襯弓彎。堤路平如掌。映綺窻。朱
樓大道旁。汀洲新綠。新綠蘼蕪長。何處王孫天涯
惆悵。貼小旦。合。洋洋。河魴泳水鄉。雙雙鴛鴦過野
塘。

原本作小
生今改為
丑得之

前腔。貼小旦。峭層層。山圍青障。細茸茸。麥翻翠浪。
試單衫。遊人漸多載。芳尊車騎紛來往。怕兒郎將
身柳外藏。新粧無復無復當時樣。仙履雲鑲道衣
霞。老旦。合。思量。花園隔阮郎。淒涼佳時負艷陽。
同下介。

丑。騎馬帶隨從上。出郭問遊驂。青驄映紫衫。垂
楊人似蟻。春色在城南。自家汾陽公子郭曖是
也。今早城南遊覽回來。你看一路上林花似綉
車騎如雲。真個好光景也。

步步嬌紫陌青驄驅輪鞅處處亭臺敞平蕪錦翼
翔日射花光香滿春衫上便欲解明璫隔簾一派
笙歌響

呀遠遠望見一隊女娘行春來也老旦貼小旦

上丑偷覷科

前腔老旦貼小旦南陌盈盈聊遊賞徐步還凝望
空門守歲長夜漏琉璃何限愁人況春日小徜徉
月痕依舊梅花帳下

丑上這是誰家女子那後生的國色天姿不消

月痕依舊
梅花帳句
佳

說了那老的如半謝桃花亦自可愛不由人不
動情也

增定數句
却自悠然

五更轉似西施臨溪傍似羅敷出采桑又是這等
雅素道裝似瑤臺仙子仙子幢幡降教我目斷魂
飄幾多懷想想和伊今世裏無承望為雲為雨為
雨高唐上去覓夢裏襄王爭得明珠入掌下

江兒水老旦貼小旦上郭外人如蟻驅馳直恁忙
琳宮半插青霄上城隅斜刺丹霞傍杏花微拂青
帘颺無限馬蹄車鞅喚客當鑪粧點春郊景象下

帘音簾
此下有園

林好今刪

玉交枝丑上雲冠鶴氅。是天人偶來下方。雙成萼綠雲中降。影翩躚。並侍西王。不將脂粉污澹粧。天然丰韻非凡相。更羨他容端貌莊。更羨他情柔意良。

小的這分明是董雙成萼綠華。隨侍西王母降下凡世也。衆公子不可造次。這想是大家宅眷。有綠輿從人俱在後面。丑小的想我家三千粉黛。八百嬌娥。那裏有這二位女郎丰韻。定應天上仙姬。豈是塵中艷質。衆公子俺們府中豈少

猷於上聲

此二人久居華屋。轉羨茅庵。厭飫珍羞。反思青菜文字。是自己的強。美色是他人的勝。此亦人情耳。請公子尊重。

玉胞肚丑瑯輿翠帳。大家兒如何素粧。細看他道骨仙姿。時露些艷態。嬌龐吾心暗想。府中粉黛列成行。那得花間二女郎。下

三學士老旦上西指香臺久相傍。羞言南國明璫。貼小旦上齋心連土叅開士。何意桑園遇貴郎。合好去雲房仍下鎖。雲封戶。月在廊。

此下有玉山類一詞刪去

丑又上撞介老旦怒介叫院公前面是誰家蕩子敢行無禮唐突王侯宅眷着人查來一邊看後面車馬我們升輿回去者升輿介末問介前面誰家蕩子敢行無禮唐突王侯宅眷郭使咄我們是汾陽王郭老爺公子郊外行春你是甚等樣人家敢來查問末我們是定與王木太夫人同二位侍姬往大悲寺燒香回來郭使稟知丑作羞愧科咳不好了那裏曉得是木府父親知道何以爲人不免向前告罪輿前跪介小姪

郭暖是汾陽王長子偶爲西郊醉酒疎狂不知是通家伯母車從唐突尊嚴罪該萬死望伯母太夫人亮其無知俯賜寬宥老旦爲貴家子弟不應疎狂至此既是郭公子失于不知請回去罷蓮花幾載比丘身偶訪名山叩淨因貼小旦寄語王孫休住馬提筐不是採桑人下丑我郭暖也是個老成人從來不曾放蕩偶然學看姑娘便一看看出禍來怎麼好怎麼好

川撥棹空閒想却輕彈陌上桑他貞心已守空房

此解
三醒亦刪
去

此
前
有
人
月
圓
刪

他貞心已守空房。斷巫雲安知楚襄。恨凡夫慾未降。恨凡夫慾未降。

僥僥令衆合。莫登青雀舫。好繫紫騮韁。怎做大道青樓。喬劣相。少年行。沒下場。少年行。沒下場。

尾聲衆合。望吾家甲第連雲上。有多少金釵紅粉。

粧。丑偏不如他。野草閒花分外香。

小的我分付你們回去。不要露一些兒風聲。被

老爺知道。若是有些決撒。我一個個活敲死你

們衆應介

結句自謂
有元人風
味

此長卿四
十八折也
今移此
差音雌

丑偶見如花女伴。使我心懷撩亂。

衆若要老爺不知。只除公子休看。

丑怒介。哇。這小的好打。

第十九折 東遊仙都

紫蘇丸生上。三山半落青天外。挾仙遊。乘風差快。

月明人語在瑤臺。真是清涼界。

小重山。一鞦韆鞋到處行。天風生兩腋。上瑤京。

玉童花下奏鸞笙。風物好。徒倚矜層城。凡骨鍊

難成。願教飡絳雪。吸金莖。丹臺石室尚藏名。東

莖音形

華闕誰遣鶴書迎我木清泰蒙師父相挈來遊
蓬萊到此山下師父先進洞府去會列仙良久
不見出來想是列仙畱師父講佛法我伺候許
久腹中飢餒眼看絳桃文杏仙果纍纍清泰是
個謹慎人雖忍饑不敢偷取一枚遠遠望見一
位仙女來也貼旦扮仙女上仙班充下陳靈境
閒且適時約女郎嬉清溪弄白石此處焉得有
這個俗人三尸濁亂腥穢觸人分明是一堆白
骨何由到此清都地界守壇神將那裏何不令

仙女蒼虎
將士點綴
俱好

蒼虎驅出丑扮蒼虎上撲生介生我木清泰來
此豈是孟浪亦有因緣西方祖師賓頭盧挈我
至此仙女胡說祖師是西方聖人現在清冷臺
上與衆仙講道既然挈你來何故不令進入洞
府却逗畱此間叫金瓜將士打落山去淨金瓜
將士上欲打介外上休打休打你不認得此人
此人是唐朝定興王木清泰勇冠千古力敵萬
夫你怎麼出得他手他只爲至心求道不露雄
風你休錯了仙女元來果是聖僧挈帶在此金

咒音似

瓜將士隨我迴避同神將下生弟子候久腹餒
 眼觀絳桃不敢取食外我有西方黑棗食之可
 以永辟飢腸兼知過去未來事一向不曾與你
 今以一枚相授取棗與生噉介生黑棗入口心
 地清涼果知過去未來事歎介咳原來弟子前
 身是西方散聖焦鏡圓數十年來一場夢也稽
 首介多謝師父濟度外西來你既到此便可遊
 覽一遍而去生師父你看萬山黛色青削芙蓉
 一水澄泓碧涵明鏡奇花瑤草夾道叢生蒼兕

班麟當門偃卧紫府中起白波外抱遠睇神州
 茫茫黑點仰看星漢澹澹微痕仙都之境勝妙
 如此

頽音緝
 原本四首
 今存其二

其州歌外茫茫銀海走洪波一帶遠抱丹臺金堂
 玉室繚繞頽霞蒼靄月痕斜控瓊簾捲水色虛含
 綉戶開合行迷處路轉迴中峰忽起更崔嵬長松
 下古洞隈為憐疎影立徘徊
 前腔生峰巒碧水洄似新磨明鏡倒窺青黛絳桃
 花外靈禽幾個飛來東華何事鸞驂候南嶽相邀

歌音景

鶴使催合凌歊地絕點埃清虛東土說蓬萊超生
灰免劫災恒沙西去有蓮臺

生請問師父西方比此處更覺何如外笑介我

那西方境界還不同些少不得也挈你去一遊

生弟子此時也省的不同了願師父早賜提挈

外海山舊日是君家 一別清都幾歲華

生仙籍長生真可學 樓前業已種曇花

第二十折 窺園構難

丑扮北幽太子上寶馬銀鞍南陌頭誰家少婦

九此等折
不宜唱尾
故刪之但
白中逗出
西遊語便
覺前後有
情

原本作九
情折今併
入此

踏青遊鈿釵邂逅垂楊下惱亂春風不自由自
家北幽太子是也姿容秀異性格風流昨日帶
騎從在長安宜春門外閒遊陌上遇兩個女子
一個名郭倩香一個名賈凌波乃定與王木清
泰侍姬真是天姿國色使小子一見神魂飄蕩
聞得木公雲遊在外二姬厮守空房不免教一
女使假充做公子郭曖家婢徑到他庵中說合
但得二姬心動便當迎娶若或不從隨着鬼使
將二姬迷倒不怕不從女使狐媚兒那裏搽旦

扮狐媚上後宮多粉黛惟有妾專房此鄉真可
老何事別思量太子呼喚奴家何幹丑不瞞你
說我昨日在南郊遊春見兩個女子一個名郭
倩香一個名賈凌波乃定與王木公侍妾今差
你假扮汾陽郭公子家使女徑到他庵中說合
道郭公子昨日南郊相遇渴慕芳姿欲娶二位
爲次夫人你可盛道郭公子家富貴令他心動
我便當迎娶狐太子貴妃利害況妾又是專房
眼中儘彀寄情何故又生別念我不去我不去

丑看你嘴臉說此話好不羞狐也儘去得丑你
不去發在重囚獄中去狐我去我去下丑鬼使
何在鬼使二人上太子有何分付丑你二人可
隨狐媚兒徑到木府庵中若狐媚兒勸他不從
可將二姬神魂纏倒我隨後來也鬼理會得下
丑夜雨青燈映綠蕉可憐人度可憐宵同來陰
府供歌舞絕勝空房守寂寥下

唐多令貼上春色滿名園千花齊鬪妍小旦上偷
閒好去倚雕欄枝上幽禽何限合人不到景悠然

貼經年一別對禪棲門外春光總不知小旦聞
道堦前紅藥長芳園元只隔簾兒姐姐昨日我
們同夫人郊外回來頗覺春遊亦暢只是被那
輕薄年少唐突一場今早公子迎夫人暫過舊
宅我二人自家在此園中花事正盛同去一看
如何貼這也好就此同去做行介貼妹子你看
園中芳樹交加名花爛熳人跡不到幽鳥自啼
想桃源僻處不過如此小旦姐姐真個好幽閒
景致也

石榴花二
曲亦穩當

石榴花貼偷移蓮步片餉看名園風日好百花妍
青苔紅藥媚雕欄暗垂楊橫過樓前含風嫋煙境
全幽盡日無人見泛胡麻難入漁郎隱仙姝絕勝
桃源
前腔小旦相攜女伴消遣艷陽天剛數步即家園
花紅水綠映澄鮮聽幽禽芳樹間關啼聲可憐看
靡蕪驚動王孫怨蝶蜂兒自領春風送年華誰伴
韶顏
孤媚上朱門寂寂鎖嬋娟春色綠何到此間為

認桃香因得路止循源水卻逢仙二位娘子萬
福貼小旦驚介疾門如海人跡罕到汝是何人
輒得至此狐妾身唐突知罪了適纔見貴府花
園門開大胆直入不想有幸得遇天仙貼小旦
汝是誰家宅眷爲何到此狐實不相瞞賤妾是
汾陽王府中一個女婢昨日我家公子偶出南
郊遊春幸得邂逅二位娘子整整思想了一夜
俺公子說木老爺雲遊不返二位娘子寂寞空
房白日如流青春有幾俺公子願以明珠一斛

聘二位娘子二位娘子是知道的俺汾陽王府
豪華絕世受用非輕只望娘子慨許貼小旦你
此言差了俺老爺斃去雲遊焉知終身不返你
公子是通家子弟怎起此心不要說你家粉黛
盈房不少我二人容色便是我二人洗粧入道
豈肯改變初心就請抽身弗勞饒舌狐二位娘
子聽賤妾一言

泣顏回南陌遇神仙使王孫意惹情牽舞裙歌扇
怎淒涼斷送芳年金釵翠鈿論豪家富貴誰不羨

泣顏回二
曲梁伯龍
所不及

莫空辜。秋月春花好。追歡暮管朝絃。

前腔 貼小旦 羅敷守志在郊園。使君有婦。休問桑

間。紅銷翠減。卸鉛華寂寞枯禪。空門種蓮。肯當歌

又逐桃花扇。況豪家不少紅粧。又何須老去朱顏。

狐 我實對你說。那裏是郭府。是北幽大王太子。

昨日見了二位姿色。要娶你們。少刻鬼兵就到。

不怕你不從。貼小旦 原來是妖鬼。我們仰仗三

寶之力。那裏怕你。鬼卒二人上 陰氣冲倒貼小

旦 科 狐鬼卒同下 貼小旦 來到花園。不想遇着

妖鬼不覺身體昏沉。如何是好。且入臥房睡去。
待夫人來。再作區處。

貼 偶然園裏看花 自信芳心不動

小 謾說妖主人興 可是神衰鬼弄

第二十一折 禮佛求禳

似娘兒 老旦上 只合守空庵。怎教他私出房奩。無

端鬼病誰招攬。問因何得此蓮心未淨。柳性猶粘。

我昨日被孩兒迎過舊宅。住了一時。不想二姬

私到花園玩賞。惹成一病。說有鬼怪相侵。怎生

蓮心未淨
二句佳

是好已着小鬟去請孩兒龍駒想必就到
遶池遊小生冠帶上朱屏常掩皓月清池湛怪玉
人何事慊慊

相見介老旦孩兒昨日二姬到花園中間玩驀
地染成一病說是鬼物相侵我思三寶門中安
得有此待我焚香頂禮懇求如來則個焚香拜

科

金索掛梧桐老旦毫眉染鬱藍海目揚清緝丈六
金身烈火雙肩燄焚香辦至誠叩莊嚴二女園中

原本郭賈
同唱一引
上場恐抱
病之人不
宜如此故

改之
二女園中
三句改勝
原本
謔音占

此曲亦改
數句不知
長卿能首
音否

乍一探忽驚鬼病成消滅道是北府幽都太子銜
我那二姬呵真冤濫風情月思幾曾諳小生合到
如今魂夢都慊言語都謔仰望得龍天鑒
前腔小生拜介金仙住寶龕那許妖邪敢肆神
姦要把裙釵賺公然閨閣裏語喃喃全不怕白日
青天有鏡奩因此上投誠三寶來修懺只願的早
奮靈威把鬼熾堪憐念怎忍見柔姿弱質病加添
老旦合我如今頂禮瞿曇稽首伽藍乞借與降魔
劍

老旦我看二姬心頗堅貞終不為邪魔所奪只是叩求三寶必有冥佑

東歐令休他憾莫自慚一點虔心佛可叅天神定有真靈驗豈墮妖坑塹但願韋馱玉杵手中拈會見鬼形潛

銛音織

前腔小生空英敢愧兒男三尺龍泉祇自銛況二姬肯把清名玷這罪業應須勸若是天兵得請下塵凡妖黨一時芟

丑上古門木小侯我知你是一條好漢但我神

通廣大出無入有，你雖有劍，安能禦我，你家二姬我前日已遣女使狐媚兒定下，今日自來親迎，不如早將二姬送我升輿而去。小生拔劍介，奇怪，但聞空中有人說話，又不見個踪影，空有寶劍在手，無從斬之。淨關真君領眾上，我關某奉靈照菩薩法旨，說木定興家有二姬被北幽太子強娶，定與之子小侯不能制之，我關某本佛門大護法主，豈可坐視，叫兵校擺下天羅地網，休放北幽太子走者。丑上驚介，那一處神道。

原本有驅邪折作許旌陽何冗難如此不若作關真君得之且併入求禳折廢搬演為有情

好生利害呀是閔真君怎麼好做逃走介閔咄
小妖往那裏走汝見色迷心宣其淫德是謂不
仁定興王一家戒行無故欲奪其二姬是謂不
義不念汝父曾立功冥府輒以淫慝敗其家聲
是謂不孝不畏上帝之大命不顧真官之三尺
是謂不智負此四罪豈容貸汝叫兵校將小妖
綁縛親送上帝發落去來衆縛丑下小生好告
母親得知適見關真君綁縛妖鬼騰空而去老
旦孩兒二姬這場災禍原從郊外禮拜觀音菩

薩惹得來的我又同你苦求佛力救護真君此
來必是菩薩差遣我和你不可不去拜謝做回
拜如來科

下山虎老旦龍天護佑佛法加持勅遣真君至驅
邪片時全仗大士弘慈恍惚金容在茲不枉蓮花
兩淨尼念彼觀音力守定禪心一似沾絮泥轉覺
形骸穢何年脫離彈指迦毘盧國西

貼小旦上跪介昨日因太夫人不在我二妾不
合到後園一窺春色忽見兩個鬼卒藍面獠牙

原本有高
陽臺等十
二曲今止
存下山席
小桃紅二
曲而已

衝到面前使二妾昏迷不醒今關真君縛此妖
鬼便覺病體頓痊皆是太夫人再生之力二妾
合當拜謝老旦快不要拜你索去如來前拜謝
者貼小旦拜謝如來科

小桃紅貼小旦紅粧久洗翠館長辭不復御羅衣
也禪心淨持明月鎖窻知何事遇妖迷自分香可
殘玉可碎其做琉璃脆也忍去王宮再畫眉仰賴
龍天庇扶衰濟危幸免如來戒體虧

好告太夫人二妾蒙真君如此大恩無以為報

意欲裝塑真君一金像供養如來之傍一同朝
夕禮拜夫人尊意若何旦真君元是佛門大護
法這個正該如此

長拍義勇包天義勇包天精誠貫日端的古今無
比蕩兇除穢高閃出綉蓋華旗彷彿見靈威顯赤
臉修髯下臨塵世一任他邪鬼妖神有法力怎當
得電火交加霹靂飛活擒來斷送在青龍刀底不
由人不莊嚴廟宇祭賽神祇

老旦孩兒我們謝得如來感應又蒙真君降臨

長拍短拍
俱增入吾
知長卿在
九原亦必
以余為知
已矣

若不是老爺修行證道，福德洪深，怎能顯格如
此。我仔細推詳起來，老爺雲遊消息可知矣。小
生貼小旦：夫人所見極是，眾再拜如來科。

短拍合佛印曇花，佛印曇花，仙踪函記雲遊消息。
真奇，抉腎有金錒，又降下天神兵隊，定不是無因
來至此去。西叅耆崛歸來日，已證上菩提。

餘文天香裊，仙音沸，遙瞻帝闕隱崔嵬，想見真君
奏玉墀。

旦老破暗慧燈須大聖，生小驅邪利刃仗真君。

貼浪說藥醫不效病，旦小從知佛度有緣人。

第二十二折 討賊立功

菊花新末扮李晟戎裝領將士上：逆奴犯闕播鑿

與鳳子龍孫泣路衢，強寇滿皇都，只把丹心報主。

故宮禾黍欲離離，正是忠臣畢命時，誓掃妖氛。

清帝闕，營門洒泣對王師，下官神策河北行營。

節度使兼平章李晟是也，近因姚令言激眾興

兵，朱泚乘機竊命，百官染污，萬乘流離，下官聞

變投袂泣血禡牙，以奇謀間賊營，以忠義感將

醫衣去聲
錒音批

原本第四
十六折也
今改于此

晟音盛

泚音紫

士衆雖單弱，銳氣不衰。聞故定興王木清泰之子木龍駒將門英傑，年少知兵，特奏舉爲副帥，協同討賊。選定今日起兵，收復長安。將校待定，與侯到帥府時，疾忙通報。

前腔 小生上：君恩世受，誓捐軀報國。縱橫見丈夫，一旅願前驅。逆賊誰當旗鼓。

兵士報到科：定興老爺到。**相見介**末：君侯本以將種兼習韜鈴，下官特舉薦官裏，勅加副元帥，協同討賊。君侯請當前隊，下官願步後塵。**小生**

元帥奇謀出衆，滅此小妖，如覆掌耳。小將敢不効力前驅，附功驥尾。**末**將校聽令：木將軍領步騎先登，我統大軍繼發，設伏張奇，四路俱進。雲梯地窖，百道攻城，俱要死戰立功。以一當百，先斬令言，後擒朱泚，掃清宮禁，奉迎鑾輿，退縮不進者，斬。衆應介：得令。**末**請副元帥號令。**小生**軍中一如元帥之令，有不用命者，斬之。衆應介：得令。

紅繡鞋末：雄兵十萬長驅，長驅先登，列戟橫及橫。

此只用紅繡鞋

金等曲得之

枹音孚

父摧勁敵、擣孤虛、熾鬼蜮、剪妖狐、**合**寧士庶、靖皇都、

前腔小生先鋒手執旄、旄、中軍親自援枹、援

枹、山嶽震海濤、呼張義旅奮天誅、**合前**

探子稟二位爺、姚令言提兵拒戰、**末**向前打話、

前腔丑扮姚令言領眾上、雄威席捲東都、東都、貌

貅控帶羗胡、羗胡、天子遁、百官逋、誰復敢抗戎車、

合前

末姚令言你身為節鎮、手統強兵、不思盡忠報

國、却乃首倡逆謀、震驚至尊、暴犯陵寢、三軍切

齒、萬姓寒心、眾軍努力向前、先斬逆賊、**小生**與

丑戰斬丑賊軍敗科

縷縷金、**衆合**騰殺氣、展雄圖、前軍熾賊將覆車、徒

乘勝擒元惡、功成一鼓看都民、垂泣漢官儀、壺漿

滿岐路、

探子稟二位爺、朱泚遣源休督兵前來拒戰、**末**

向前打話、

前腔淨扮源休領兵上、扶帝業、創皇都、山河歸指

允對壘時
不須佳曲
只此足矣

掌盡誅鋤誰復張螳臂敢當羆虎管教一戰血模
糊橫屍暴霜露

末源休你官為少卿享受大祿何故造謀佐逆
致主上蒙塵天兵問罪必不縱汝大小三軍乘
勝殺上**末**與淨戰斬淨淨兵齊哭投降**介**元帥
爺小人等皆是節鎮官兵羽林衛士被朱泚逼
脅至此情願投降再見天日**末**你眾人不知逆
順本當重處姑念脅從許爾立功贖罪眾將校
賊胆已破料無城守就此整旅入城生擒朱泚

探子上稟爺逆賊朱泚帶妻子出都城北門逃
走了**末**副元帥可領鐵騎三千追擒朱泚老夫
入城掃清宮掖奉迎聖駕還朝**小生**應**介**
前腔**小生**眾合開北戶走狂奴乘風追鐵騎盡芟
除號令須嚴肅京城按堵急掃清宮禁奉鑾輿宮
幃喜如故

生眾下**末**叫軍校請掌書記于公異來左右應
介丑扮于上上將兵如風雨參軍筆掃虹霓不
習長鎗大劍有時用着毛錐相見長揖科**末**且

此後有夜
巡折今刪

簾音具

學有言卷三

喜逆賊已平。公可草露布一通。飛報天子。借爾
 雕龍之手。一揮倚馬之才。**于**下官便當草上。**末**
 傳令衆將士。火速整衆入城。則個衆應介得令。
末蕩寇已展雲旗。 搦管先成露布
丑報道鐘簾不移。 兼之廟貌如故

(Faint bleed-through text from the reverse side of the page)

